

по крещении оставльше заповеди божиа и льстяще ся мира сего красотами, но яко же святыи пророцы и апостоли, тако же и мученицы и вси святыи, Христа ради страдавшие в скорбех, в бедах, в теснотах, в ранах, в темницах, в нестроениях, в трудах, в бдениих, в пощениях, в очищениях, в разуме, в долготерпении, во благодати, в душе святе, в любви нелицемерне, в словеси истинне, в силе божи, — иже сведоми суть единому, ведущему танны сердечныя, ими же землю просветил есть, яко же небо звездами украси, и почтив их чудотвореньми, овых убо молитв ради и покаяния, и трудов, овых же мужества ради и смирения, яко же сих святых прослави, о них же нам слово предлежитъ.

Похвала

Мы же по силе нашеи да приложим хваление има.

Радуися, Петре, яко дана ти бысть от бога власть убити летящего свирепаго змя! Радуися, Февроние, яко в женьстеи главе святых мужь мудрость имела еси! Радуися, Петре, яко струпы и язвы на теле своем нося, доблестевне скорби претерпел еси! Радуися, Февроние, яко от бога имела еси дар в девственней юности недуги делити! Радуися, славныи Петре, яко заповеди божиа ради самодержьства волею отступи, еже не остати супруги своея! Радуися, дивная Февроние, яко твоим благословением в едину ночь малое древие велико възрасте и изнесоша ветви и листвие! Радуитася, частная главо, яко во одержании ваю в смиренни и молитвах и в милостыни без гордости пожиста; тем же и Христос дасть вам благодать, яко и по смерти телеса ваю неравлучно в гробе лежаще, духом же предстоита владыце Христу! Радуитася, преподобная и преблаженная, яко и по смерти исцеление с верою к вам приходящим невидимо подаете!

Но молим вы, о, преблаженная супруга, да помолитесь о нас, творящих верою память вашу!

Да помянете же и мене прегрешнаго, списавшего сие, еяко слышаш; неведыи, аще инии суть написали, ведуще выше мене. Аще убо грешен есмь и груб, но на божию благодать и на щедроты его уповаю и на ваше моление ко Христу надеяся, трудихся мыслми. Хотя вы на земли хвалами почтити, и не у хвалы коснухся. Хотех вама, ради вашего смиреннаго самодержьства и преподобьства, по преставлении вашем венца плести, и не уплетения коснухся. Прославлени бо есте и венчани на небесех истинными нетленными венцы от общаго всех владыки Христа. Ему же подобает с безначальным его отцем купно и с пресвятым блгагим и животворящим духом всяка слава, честь и поклонение, ныне и присно и во веки веком. Аминь.

ПОВЕСТЬ О ПЕТРЕ И ФЕВРОНИИ МУРОМСКИХ

(По списку б. Московской духовной академии № 224. Библ. им. В. И. Ленина).

При издании соблюдаются указанные на стр. 224 правила. Кроме этого, дополнения к архаичным чтениям берутся в скобки; чтения данного списка, сближающие его с группой ЕИЛОР, печатаются полужирным шрифтом; оригинальные же его чтения печатаются курсивом.

Повесть от жития святых новых чудотворец муромских, благовернаго и преподобнаго и достохвалнаго князя Петра, нареченнаго во иноческом чину Давида, и его супруги благоверныя и преподобныя, и достохвалныя княгини Февронии, нареченныя во иноческом чину Еуфросинии.